

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

Broj: 01- 45-22812 /22

ZAPISNIK
SA DVADESETŠESTE SJEDNICE
GRADSKOG VIJEĆA ZENICA
održane 3. NOVEMBRA 2022. godine

novembar, 2022. godine

**ZAPISNIK SA 26. SJEDNICE GRADSKOG VIJEĆA ZENICA
ODRŽANE 3.11.2022. GODINE**

Sjednica je počela s radom u 10.15 sati.

Na početku sjednice nakon uvodnih pozdrava predsjedavajući Vijeća je konstatovao da sjednici prisustvuje 25 vijećnika, te da Vijeće može punovažno odlučivati.

Prije prelaska na utvrđivanje prijedloga dnevnog reda za današnju sjednicu Elmedina Hasanspahić položila je svečanu zakletvu vijećnika.

Predsjedavajući Vijeća zatim je pročitao Prijedlog dnevnog reda za 26. sjednicu kako slijedi:

- 1. Zapisnik s 25. sjednice Gradskog vijeća Zenica, održane 06.07.2022. godine**
- 2. Izvještaj o izvršenju Budžeta Grada Zenica za period januar-juni 2022. godine**
IZVJESTILAC: Fatima Vojvodić, pomoćnica Gradonačelnika za finansije
- 3. Prijedlog Odluke o utvrđivanju javnog interesa regulacije korita Klopačkog potoka u sklopu Poslovne zone Zenica-Jug**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 4. Prijedlog Odluke o objavljivanju Javnog oglasa za imenovanje pet članova Gradske izborne komisije Zenica**
IZVJESTILAC: Mirza Husetić, predsjedavajući Gradskog vijeća Zenica
- 5. Prijedlog Zaključka o davanju saglasnosti za prekop zemljišta i postavljanje stubnih mjesta, radi izgradnje FTTH mreže Raspotočje**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 6. Inicijativa za izmjene Zakona o lovstvu**
IZVJESTILAC: Senada Sejmenović, stručna savjetnica za poljoprivredu
- 7. Vizija razvoja mjesnih zajednica**
IZVJESTILAC: Rešid Hadžić, šef Odsjeka za mjesne zajednice
- 8. Izvještaj o radu JU Predškolski odgoj i obrazovanje Zenica za 2021. godinu**
IZVJESTILAC: Jasmina Gasal, direktorica JU Predškolski odgoj i obrazovanje Zenica
- 9. Izvještaj Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Grijanje“ d.o.o. Zenica za 2021. godinu**
IZVJESTILAC: Vahdet Drino, direktor JP „Grijanje“ d.o.o. Zenica
- 10. Izvještaj Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Vodovod i kanalizacija“ d.o.o. Zenica za 2021. godinu**
IZVJESTILAC: Emir Pašalić, direktor JP „Vodovod i kanalizacija“ d.o.o. Zenica
- 11. Informacija u vezi zloupotrebe budžetskih sredstava i zahtjev za upućivanje ove informacije Kantonalnom tužilaštvu Zeničko-dobojskog kantona radi ponovnog otvaranja istrage u predmetu T04 0 KTKV 0040982 20**
IZVJESTILAC: predstavnik Kluba vijećnika SDP-a

Klub vijećnika SDP-a povukao je tačku 11. Vijećnik Nermin Mehić predložio je da se zbog odsustva Jasmine Gasal, direktorice JU Predškolski odgoj i obrazovanje Zenica, s Prijedloga dnevnog reda skine tačka 8. Izvještaj o radu JU Predškolski odgoj i obrazovanje Zenica za 2021. godinu, što je prihvaćeno s 22 glasa „ZA“, 4 glasa „PROTIV“ i bez glasova „UZDRŽAN“. Vijećnik Mahdi Alić

predložio je da se prijedlog dnevnog reda dopuni tačkom: Prijedlog Zaključka o upućivanju zahtjeva Federalnoj upravi za inspekcijske poslove za vršenje hitnog inspekcijskog nadzora u pogonima kompanije ArcelorMittal, a s ciljem utvrđivanja stvarnih izvora otrovnih gasova i drugih štetnih polutanata zraka, što je prihvaćeno sa 26 glasova „ZA“, bez glasova „PROTIV“ i bez glasova „UZDRŽAN“.

Napomena: Vijećnicima su pred sjednicu dostavljeni izvještaji komisija Gradskog vijeća, te inicijativa Centra civilnih inicijativa za unapređenje postupanja javnih preduzeća po revizorskim preporukama.

Vijeće se potom izjasnilo o Prijedlogu dnevnog reda za 26. sjednicu Vijeća i sa 25 glasova „ZA“, 1 glasom „PROTIV“ i bez glasova „UZDRŽAN“ usvojilo sljedeći

DNEVNI RED:

- 1. Zapisnik s 25. sjednice Gradskog vijeća Zenica, održane 06.07.2022. godine**
- 2. Izvještaj o izvršenju Budžeta Grada Zenica za period januar-juni 2022. godine**
IZVJESTILAC: Fatima Vojvodić, pomoćnica Gradonačelnika za finansije
- 3. Prijedlog Odluke o utvrđivanju javnog interesa regulacije korita Klopačkog potoka u sklopu Poslovne zone Zenica-Jug**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 4. Prijedlog Odluke o objavljivanju Javnog oglasa za imenovanje pet članova Gradske izborne komisije Zenica**
IZVJESTILAC: Mirza Husetić, predsjedavajući Gradskog vijeća Zenica
- 5. Prijedlog Zaključka o davanju saglasnosti za prekop zemljišta i postavljanje stubnih mjesta, radi izgradnje FTTH mreže Raspotočje**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 6. Inicijativa za izmjene Zakona o lovstvu**
IZVJESTILAC: Senada Sejmenović, stručna savjetnica za poljoprivredu
- 7. Vizija razvoja mjesnih zajednica u gradu Zenica**
IZVJESTILAC: Rešid Hadžić, šef Odsjeka za mjesne zajednice
- 8. Izvještaj Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Grijanje“ d.o.o. Zenica za 2021. godinu**
IZVJESTILAC: Vahdet Drino, direktor JP „Grijanje“ d.o.o. Zenica
- 9. Izvještaj Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Vodovod i kanalizacija“ d.o.o. Zenica za 2021. godinu**
IZVJESTILAC: Emir Pašalić, direktor JP „Vodovod i kanalizacija“ d.o.o. Zenica
- 10. Prijedlog Odluke o prodaji neposrednom pogodbom neizgrađenog građevinskog zemljišta pravnom licu JP „Elektroprivreda BiH“ d.d. Sarajevo, Podružnica „Elektrodisribucija“ Zenica**
IZVJESTILAC: Emir Delić, pomoćnik Gradonačelnika za imovinsko-pravne, geodetske poslove i katastar nekretnina
- 11. Prijedlog Zaključka Mahdija Alića o upućivanju zahtjeva za hitan inspekcijski nadzor Federalnoj upravi za inspekcijske poslove**
IZVJESTILAC: Mahdi Alić, vijećnik u Gradskom vijeću Zenica.

Tačka 1. Zapisnik s 25. sjednice Gradskog vijeća Zenica, održane 06.07.2022. godine

Zapisnik s 25. sjednice Gradskog vijeća Zenica usvojen je bez rasprave sa 25 glasova „ZA“, bez glasova „PROTIV“ i 1 glasom „UZDRŽAN“.

Tačka 2. Izvještaj o izvršenju Budžeta Grada Zenica za period januar-juni 2022. godine

Uvodne napomene za ovu tačku Dnevnog reda dala je Fatima Vojvodić, pomoćnica Gradonačelnika za finansije. U raspravi su učestvovali vijećnici: Šerif Patković, Emina Tufekčić, Kenan Uzunović, Aida Halać, Nermin Mehić, Denan Pašalić, Osman Šuvalić, Malik Ejubović i Ibrahim Šišić.

Vijećnica Emina Tufekčić predložila je zaključak:

I - Traži se od Sektora za ekologiju i komunalne poslove da Gradskom vijeću dostavi informaciju o utrošku sredstava za Sklonište za napuštene životinje u periodu od 1.1.2017. -30.6.2022. godine u roku od 60 dana.

II - Ovaj zaključak stupa na snagu danom donošenja.

Po zaključenju rasprave, predsjedavajući Vijeća Mirza Husetić je na zahtjev Kluba vijećnika ASDA saopštio u 11.19 sati pauzu u trajanju od 10 minuta, pa je sjednica nastavila s radom u 11.35 sati.

Nakon pauze, Fatima Vojvodić, pomoćnica Gradonačelnika za finansije odgovorila je na postavljena pitanja vijećnika učesnika u raspravi, a zatim se Vijeće izjasnilo glasanjem o Izvještaju o izvršenju Budžeta Grada Zenica za period januar-juni 2022. godine i isti usvojilo sa 19 glasova „ZA“, 7 glasova „PROTIV“ i 3 glasa „UZDRŽAN“, te o prijedlogu zaključka vijećnice Emine Tufekčić i isti usvojilo sa 17 glasova „ZA“, bez glasova „PROTIV“ i sa 2 glasa „UZDRŽAN“.

Tačka 3. Prijedlog Odluke o utvrđivanju javnog interesa regulacije korita Klopačkog potoka u sklopu Poslovne zone Zenica-Jug

Nije bilo potrebe za uvodnim napomenama. U raspravi o ovoj tački dnevnog reda učestvovali su vijećnici: Šerif Patković i Aida Halać. U raspravi su također učestvovali Selver Keleštura, sekretar Gradske uprave, Emir Delić, pomoćnik Gradonačelnika za imovinsko-pravne, geodetske poslove i katastar nekretnina i Sabira Helvida, pomoćnica Gradonačelnika za vodoprivredu, putnu infrastrukturu i mjesne zajednice, dajući određena pojašnjenja.

Po zaključenju rasprave, Vijeće se izjasnilo glasanjem o Prijedlogu Odluke o utvrđivanju javnog interesa regulacije korita Klopačkog potoka u sklopu Poslovne zone Zenica-Jug i isti usvojilo sa 19 glasova „ZA“, 4 glasa „PROTIV“ i 5 glasova „UZDRŽAN“.

Tačka 4. Prijedlog Odluke o objavljivanju Javnog oglasa za imenovanje pet članova Gradske izborne komisije Zenica

Uvodne napomene za ovu tačku dnevnog reda dao je Selver Keleštura, sekretar Gradske uprave.

U raspravi o ovoj tački dnevnog reda su učestvovali vijećnici Emina Tufekčić i Namir Škaljo. U raspravi je učestvovao Selver Keleštura, sekretar Gradske uprave dajući određena pojašnjenja.

Po zaključenju rasprave Vijeće se izjasnilo glasanjem o Prijedlogu Odluke o objavljivanju Javnog oglasa za imenovanje pet članova Gradske izborne komisije Zenica i isti usvojilo sa 28 glasova „ZA“, bez glasova „PROTIV“ i 1 glasom „UZDRŽAN“.

Tačka 5. Prijedlog Zaključka o davanju saglasnosti za prekop zemljišta i postavljanje stubnih mjesta, radi izgradnje FTTH mreže Raspotočje

Nije bilo potrebe za uvodnim napomenama.

Za raspravu o ovoj tački dnevnog reda javio se vijećnik Namir Škaljo.

Po zaključenju rasprave, Vijeće se izjasnilo glasanjem o Prijedlogu Zaključka o davanju saglasnosti za prekop zemljišta i postavljanje stubnih mjesta, radi izgradnje FTTH mreže Raspotočje i isti usvojilo sa 29 glasova „ZA“, bez glasova „PROTIV“ i bez glasova „UZDRŽAN“.

Tačka 6. Inicijativa za izmjene Zakona o lovstvu

Uvodne napomene za ovu tačku dnevnog reda dala je Senada Sejmenović, stručna savjetnica za poljoprivredu. U raspravi o ovoj tački dnevnog reda su učestvovali vijećnici: Elvir Purić, Halil Arnaut i Vernes Menzilović.

Po zaključenju rasprave, Vijeće se izjasnilo glasanjem o Inicijativi za izmjene Zakona o lovstvu i istu usvojilo sa 27 glasova „ZA“, bez glasova „PROTIV“ i bez glasova „UZDRŽAN“.

Tačka 7. Vizija razvoja mjesnih zajednica u gradu Zenica

Nije bilo potrebe za uvodnim napomenama.

U raspravi o ovoj tački dnevnog reda su učestvovali vijećnici: Ekrem Tuka, Malik Ejubović, Elvir Purić, Šerif Patković, Faruk Hodžić, Kenan Uzunović i Sanjin Aldobašić. U raspravi je učestvovao Selver Keleštura, sekretar Gradske uprave, dajući određena pojašnjenja.

Po zaključenju rasprave, Vijeće se izjasnilo glasanjem o Viziji razvoja mjesnih zajednica u gradu Zenica i istu usvojilo sa 29 glasova „ZA“, bez glasova „PROTIV“ i bez glasova „UZDRŽAN“.

Tačka 8. Izvještaj Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Grijanje“ d.o.o. Zenica za 2021. godinu

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Malik Ejubović i Emina Tufekčić. U raspravi je učestvovao Vahdet Drino, direktor JP „Grijanje“ d.o.o. Zenica, koji je odgovorio na usmeno postavljena pitanja vijećnika učesnika u raspravi.

Po zaključenju rasprave o ovoj tački dnevnog reda, Vijeće je sa 18 glasova „ZA“, 1 glasom „PROTIV“ i 8 glasova „UZDRŽAN“ usvojilo Izvještaj Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Grijanje“ d.o.o. Zenica za 2021. godinu.

Vijećnica Emina Tufekčić predložila je zaključak:

Gradsko vijeće traži od Skupštine JP „Grijanje“ d.o.o. Zenica da Gradskom vijeću dostavi izvještaj o realizaciji preporuka iz Izvještaja Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Grijanje“ d.o.o. Zenica za 2021. godinu u roku od 90 dana.

Navedeni prijedlog zaključka Vijeće nije usvojilo sa 15 glasova „ZA“, bez glasova „PROTIV“ i sa 12 glasova „UZDRŽAN“.

Tačka 9. Izvještaj Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Vodovod i kanalizacija“ d.o.o. Zenica za 2021. godinu

Uvodne napomene za ovu tačku dnevnog reda dao je Emir Pašalić, direktor JP „Vodovod i kanalizacija“ d.o.o. Zenica. U raspravi o ovoj tački dnevnog reda učestvovali su vijećnici: Kenan Uzunović i Faruk Hodžić. U raspravi je učestvovao Emir Pašalić, direktor JP „Vodovod i kanalizacija“ d.o.o. Zenica dajući određena pojašnjenja.

Po zaključenju rasprave, Vijeće se izjasnilo glasanjem o Izvještaju Ureda za reviziju institucija u Federaciji Bosne i Hercegovine o finansijskoj reviziji Javnog preduzeća „Vodovod i kanalizacija“ d.o.o. Zenica za 2021. godinu i isti usvojilo sa 17 glasova „ZA“, bez glasova „PROTIV“ i 5 glasova „UZDRŽAN“.

Povodom Inicijative Centra civilnih inicijativa Vijeće je sa 22 glasa „ZA“, bez glasova „PROTIV“ i bez glasova „UZDRŽAN“ donijelo zaključak:

I - Prihvata se inicijativa Centra civilnih inicijativa za unapređenje postupanja javnih preduzeća Grada Zenica po revizorskim preporukama.

II - Nalaže se javnim preduzećima i javnim ustanovama Grada Zenica da izvještavaju Gradsko vijeće o postupanju po preporukama Ureda za reviziju institucija u Federaciji Bosne i Hercegovine.

III - Ovaj zaključak stupa na snagu danom donošenja.

Tačka 10. Prijedlog Odluke o prodaji neposrednom pogodbom neizgrađenog građevinskog zemljišta pravnom licu JP „Elektroprivreda BiH“ d.d. Sarajevo, Podružnica „Elektrodisibucija“ Zenica

Nije bilo potrebe za uvodnim napomenama. U raspravi niko nije učestvovao.

Vijeće se izjasnilo glasanjem o Prijedlogu Odluke o prodaji neposrednom pogodbom neizgrađenog građevinskog zemljišta pravnom licu JP „Elektroprivreda BiH“ d.d. Sarajevo, Podružnica „Elektrodisibucija“ Zenica i isti usvojilo sa 22 glasa „ZA“, bez glasova „PROTIV“ i bez glasova „UZDRŽAN“.

Tačka 11. Prijedlog Zaključka Mahdija Alića o upućivanju zahtjeva Federalnoj upravi za inspeksijske poslove

Uvodne napomene za ovu tačku dnevnog reda dao je vijećnik Mahdi Alić, u svojstvu predlagača.

Za raspravu u ovoj tački dnevnog reda javila se vijećnica Aida Halać.

Po zaključenju rasprave, Vijeće je sa 28 glasova „ZA“, bez glasova „PROTIV“ i bez glasova „UZDRŽAN“ usvojilo prijedlog zaključka Mahdija Alića koji glasi:

I - Traži se od Federalne uprave za inspeksijske poslove vršenje hitnog inspeksijskog nadzora u pogonima kompanije ArcelorMittal Zenica, s ciljem utvrđivanja stvarnih izvora otrovnih gasova i drugih štetnih polutanata zraka.

II - Traži se od Federalne uprave za inspeksijske poslove da dostavi informaciju o rezultatima nadzora iz tačke I Gradskom vijeću Zenica.

III - Ovaj zaključak stupa na snagu danom donošenja.

Vijeće se potom izjasnilo o zaključku vijećnice Aide Halać, predloženom u toku rasprave koji glasi:

„I -Traži se od Ministarstva zdravstva Zeničko-dobojskog kantona i Instituta za zdravlje i sigurnost hrane da Gradskom vijeću dostave informaciju o broju oboljelih od karcinoma“ i isti zaključak usvojilo također sa 28 glasova „ZA“, bez glasova „PROTIV“ i bez glasova „UZDRŽAN“.

26. sjednica Gradskog vijeća Zenica zaključena je i završila s radom u 13.20 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

PREDSEDAVAJUĆI
GRADSKOG VIJEĆA
Mirza Husetić